



लईका मन बर बाईबिल
प्रस्तुत करत हवे।

जभे भगवान हर सबो
जगत ला बनाईस।



लिखे गए हवे। : Edward Hughes

उत्साह बढ़ाए गए हवे। : Byron Unger; Lazarus

चयन करे गए हवे। : Bob Davies; Tammy S.

अनुवाद करे गए हवे। : मधुलिका महतो


बनाए गए हवे। : Bible for Children
www.M1914.org

©2013 Bible for Children, Inc.


लाइसेंस : आप मन करा इ कथा ल छापे बर अऊ नकल करे के अधिकार
तभे तक हे जब तक आप मन एला बेचिहा नाही।




हमन ला कौन हर बनाए हवे ? एक बाइबिल, भगवान के कहे गे
बानी हर हमन ला बताथे कि मइनसे के दौड़ हर कैसे शुरू होवत
हे । बहुत पहिले भगवान हर पहिला मइनसे बनाइस । अऊ ओखर
नाव आदम राखिस ।



भगवान हर आदम ला धरती के धुररा अव माटि ले बनाईस । जब
भगवान हर आदम के देहें मा सांस ला फूंकिस तभे आदम हा जिंदा
हो गइस । आदम हर अपन आप ला एक ठी सुंदर बन मा पाइस
जेकर ना अदन रहिस ।



भगवान हर आदम ला बनाए ले आघु ओहर कई प्रकार के सुंदर चीज ले ए धरती ला बनाईस। फिर बारी बारी ले भगवान हर पहाड़, पथरा, कहरदार फूल अऊ रंग रंग के चिरई चिरगुन, मुधुमाखी, मछली, घोंघी ल बनाईस। सच्ची मां भगवान हर सब कुछ ला बनाईस हवे।




सबले शुरूआत मां जब भगवान हर
कुछु नहीं बनाए रहिस ए धरती मा
भगवान ला छोड़ के अऊ कुछु चीज
नहीं रहिस । एकोठी मइनसे, जगह
अऊ कुछु चीज नहीं रहिस,
कुछु भी नाही, ना अंजोर
रहिस ना अंधियार । न
कुछु उपर रहिस अऊ ना
कछु तरी । न कुछु बीते काल
रहिस न कुछु आए वाला काल,
केवल भगवानेच हर रहिस जाकर
कोई शुरूवात नी होए । ओकर
बाद भगवान हर कदम उठाईस ।




सबले शुरुआत मा
भगवान हर सरग लोक
अऊ धरती लोक ला
बनाइस हवे ।




अऊ धरती हर बिना छोर के रहिस
अऊ अंधियार हर गहराई
ले समाए रहिस । फेर
भगवान हर कहिस
“अंजोर होजा” ।



अऊ अंजोर होंगे । भगवान हर अंजोर ला दिन अऊ अंधियार ला रात
कहिके पुकारिस । अऊ संझा व बिहना हर एक पहिला दिन रहिस ।




दूसर दिन भगवान हर समुंदर के पानी ला बनाईस। अऊ सरग के तरि म समुंदर अऊ झील बनाईस। तीसर दिन भगवान हर कहिस “सूखा भूईयां परगट होजा” अऊ ओहर परगट हो गिस।




भगवान हर आज्ञा दिस कि दुबी अऊ फूल, अऊ झाड़ी अऊ पेड़
परगट हो जा। अऊ ओहर परगट होंगे।

अऊ सांझ अऊ बिहना हर
तीसर दिन रहिस।




फेर भगवान हर सूरज, चांद अऊ
अबड़ अकन तारा ला बनाइस। जेला
कहूं नई गिन सके। अऊ सांझ अऊ
बिहना हर चौथा दिन रहिस।



समुंदर के जीव अऊ मछरी, चिरई
भगवान के दूसर रचना रहिस। पांचवा
दिन भगवान हर एक गो बड़खा
तलवार कस मछली अऊ छोट-छोट
जीव अऊ लंबा गोड़ वाला जीव अऊ
खुश रहे वाला सुंदर चिराई, भगवान
हर रंग रंग के किस्म-किस्म के मछरी
बनाईस ताकि धरती के पानी ला भरे
जा सके। अऊ हर परकार के चिरई
बनाईस ताकि ओमन धरती, समुंदर
अऊ आकास मा मौज मस्ती कर
सकें। अऊ एहर सांझ अऊ बिहना
के पांचवा दिन होइस।



एकर बाद भगवान हर एक घा फेर कहिस ए धरती मां जिंदा जीव जंतु चौथा परकार के आ सकथे। रकम – रकम के प्राणी अऊ कीड़ा मकोड़ा, जीव जंतु मन अऊ इहां रहें। ओ करा धरती ला हिचकोल देहे वाला हाथी, मगन रहिन, ओकरा बेंदरा अऊ मगरमच्छ घलो रहिस। रेंगे वाला कीरा अऊ चूंदी वाला लंबा जीराफ अऊ चउतरा बिलाई, हर परकार के प्राणी भगवान के द्वारा एही दिन बनाए गे हवय।



अऊ सांझ अऊ बिहना के छठवां दिन रहिस ।



भगवान हर छठवां दिन कुछ अलगा करिस। कुछ अबड़ अनोखा। हर एक चीज हर मइनसे बर तैयार हो चुके रहिस। खेत म खाए बर अनाज, अऊ जानवर भी रहिस। अऊ भगवान हर कहिस हमन ला

एक मइनसे अपन कस बनाए ला चाहि। इ धरती के सब चीज के बीच मा भगवान बनके रहेला चाहि। त भगवान हर एक मइनसे ला अपन रूप मा बनाइस। भगवान के छवि के रूप मा ओहर इंसान ला बनाइस।



भगवान ह आदम ला
कहिस – इ वाटिका मा
तुहला जो खाए के मन
लागथे खावा । लेकिन
ओहर अच्छा अऊ बूरा के
ज्ञान के रूख हावे ओमे
ले तेहर एकोठी फल इन
खाबे । अगर तेहर उ रूख
के फल ला खाबे त
निश्चय मरीच जाबे ।



अऊ परमेश्वर हर कहिस ए हर सुघर बात नो हे कि कोई भी
मइनसे एकला रहे। मेहर ओखर बर एक साथी बनाहूं। भगवान हर
चिराई जीव मन ला आदम करा ले आइस।
आदम हर ओमन के सबो के नाम ला राखिस।
ओहर बड़ चतुर रहीस अऊ चालाक भी
तेकर बर ए काम ला करे पाइस। लेकिन
सब जीव जंतु कर बीच मा आदम के
लायक कोई साथी नीं रहिस।



भगवान हर आदम ला गहरा नींद मा लाइस, सुते हवे आदम
के पसली म ले एक पसली ला निकाले के बाद भगवान हर ओखर
पसली ले एक स्त्री ला रचिस। जोन
स्त्री ला भगवान हर रचिस ओ
स्त्री हर आदम बर एक लायक
सच्चा जीवन संगिनी रहिस।



भगवान हर छठवां दिन सबोच ला बना डारे रहिस। फेर
भगवान हर सांतवा दिन ला आशिर्वाद करिस। अऊ ओला
विश्राम दिन के रूप म मनाइस। अदन के वाटिका मा
आदम अऊ ओखर स्त्री हवा हर खुशी से भगवान
के आज्ञा ला मानत रहिन। भगवान हर ओमन
के परमेश्वर रहिस। ओमन के दाता
अऊ मित्र भी रहिस।



जभे भगवान हर सबो जगत ला बनाईस ।

इ कथा हर भगवान के बचन के द्वारा एक ठी बाईबिल

पाए जाथे ।

उत्पति १-२

"आप मन कर बानी हर एला अंजोर देथे ।"

भजन संहिता ११९ : १३०



समाप्त ।



बाइबल के कहानी हा हमन ला हमर महान भगवान के बारे में बता थे। जेनहा हमन के रचना करे हावे अऊ जिनह ये चाहथे कि हामन ओला जानन।

भगवान ला पता है कि हामन गलत काम करे हन जेन ला ओहर पाप कहिथे। पाप करे के सजा मौत हावे, पर भगवान हा हमन ले बहुत प्यार करथे कि ओहर अपन अकेल्ला बेटा ईशु मसीह ला क्रूश में मरे बर अऊ हमर पाप के सजा पाए बर भेजीस। ओखर बाद इशु मसीह के फेर से जनम होथे अऊ ओहर घर ले स्वर्ग मा चल देथे। अगर तुमन ईशु मसीह मा भरोसा करथव अऊ अपन पाप बर माफी मांगथव ता ओहर जरूर माफ कर दीही। वो हर जरूर आही अऊ तुमन के भीतरी मा अभी रहिही, अऊ तुमन ओखर संग मा हमेशा बर रहिया।

अगर तुमन विश्वास करथव कि इही हर स चहे, त भगवान ले येला कहव प्रिय ईशु, मैं विश्वास करथव कि अप मन भगवान हव अऊ मोर पाप के सेतर मरे बर मनुष्य बनेव अऊ आप हर फेर से जिवित हव। दया करके मोर जिंदगी में आवव अऊ मोर पाप ला क्षमा करव, ताकि मैं हा नवा जीवन ला पा सकंव अऊ एक दिन हमेशा बर आप मन के संग जा सकंव। मोला मदद करव ताकि मैं आप मन के हर आज्ञा के पालन कर सकंव अऊ आप मन के बेटा बन के आप मन बर जिये सकंव। आमीन।

बाइबल ला पढ़व अऊ भगवान से रोज बात करव !

